

Magtubu to Jak li Kwôlo kôl kwôli magtubu to Jak li hen

Magtubu to Jak li hen na, ôbi gelijn ðijné ka Emen ka ô débé aɲ usurijn sa terare a nà kêm hen aɲga bay ré li (Sapitre 1: 1). Bô magtubu hende to Jak li hen na, ôbi pô are gay gay gelijn bay ayê bôô hal woji wo habijn perêrji a men, perê ðijné ka hôn Emen né hen a men. Bijné ka pôn kôl iyôn ba Jak na ré na yêni Jésus. Kwôlo Jak kôl bô magtubu tori a hen na, ôbi kôl kwo hen uwôl tôn, ôbi kôl kwo hen uwôl tôn mera ðîba, ôbi gel mawri mawri ré.

Sapitre 1: 2-8 na, Jak kôl na kwôli tu melênê tumô. Tu melênê bi wo hen na, hena na ligi Emen a aɲ kwôni wo gey ɲjé ba, bi ré engeriri naɲ ayê bôô woɲ tiri.

Sapitre 1: 9-27 na, ôbi kôl na kwôli nimiré naɲ ari ɲjé men, kwôli aɲgaɲ bô emê naɲ aɲgaɲ sélé kirijn men, kwôli lê kwôlo Emen woɲ tiri wo gel yiri bô hal gawra hen.

Sapitre 2: 1-13 na, ôbi kôl naɲ néri kwôli derê tu wo yi perê bay ayê bôô a hen.

Sapitre 2: 14-26 na, ôbi kôl na kwôli mawi kwôlo bô magtubu to ôbi li hen. Mawi kwôlê bi wo hen na, na iyeɲ a ayê bôô naɲ aɲgaɲ lê réé bijn pôn ba?

Sapitre 3: 1-12 na, ôbi pô aɲgaɲ gelé ka gay gay kôlij kwôli aɲga habijn ka kôli gawra li hen.

Sapitre 3: 13-18 na, ôbi hô kôl na kwôli tu melênê woɲ tiri hen.

Sapitre 4: 1 kwôy sapitre 5:6 na, Jak nay ðijné ka li aɲ naɲare yi perê migêrji a men, ka li aɲga habijn ka sa terare a nà men, ka bô yirji môɲ bay jerê kwôlê sa migêrji a iyôn men, ôbi kurijn ɲjé bay ɲjé ka bijn

Bijné liji jé hen jé damaŋ niŋba, têbiji dô ré hen.

Sapitre 5: 7-20 wô deriŋ kibi kwôlê wori na, Jak kôl kwôli ulê bôô men, kwôli lêŋnê tô uwôlê Emen a men, kwôli halê yi wo Tunu gel geréri hen a men.

Magtubu hende to Jak li bijn bay ayê bôô hen na, na kwôlo sél. Na bê bôô sa Kwôlo Dôri wo Jésus a mera ré, niŋba, bi ayê bôô gel yiri bô hal wona a, wôsa ayê bôô wo ariri liŋ sara ré ná, na ayê bôô wo ma.

Dosé to ôbi liji

¹ Nôbi *Jak mana wo Emen naŋ kwo Kelma wona Jésus Krist a lê magtubu hende to hen. En lêŋge kenbay bay ayê bôô ka perê tô môŋ wo *Israyêl ka môj kibi wôô ka usuriŋ sa terare a nà kêm hen dosé.

Bijné ka bi bôrji sa Emen a hen na, na bay a ôbi ré gelji tu melênê

² Yênen, lêŋge yi derê damaŋ sa angaŋ gusiŋ ka gay gay ka lêŋge hen. ³ Hena kené bi bôrŋge sa Emen kwôy kwôy aŋ ken fu bôrŋge iyêre sa gusiŋ to lêŋge hen na, na ôbi a, ulê bôô woŋge ré erê tumô tumô hen. ⁴ Berêŋge iyêre hen iyôŋ kwôy ken deriŋ kibri aŋ ken yiŋ **bijné** ka jé lêreji dô dô jêd men, bi ani kani ka dôri ré naŋêŋge ré a men.

⁵ Hena kwôni perêŋge a hen a tu melênê ré naŋni na, bi ôbi uwôliŋ Emen aŋ ôbi a biri, wôsa ôbi na Emen woŋ ôbi bijn **bijné** are naŋ bôô pôn men, nayji wô sarji ré a men.

⁶ Hena kwôni ré uwôliŋ Emen ani na, bi ôbi hôn mega wo Emen né biri are bay ka hen. Hena ôbi ré gaanê na, ôbi yi môŋ mêw wo dami wo kal liri aŋ hebirij si na si na iyôŋ. ⁷ Kwôni bi wo iyôŋgi hen na, bi erem wô uŋé ani kôbi Kelma a ré. ⁸ Wôsa na kwôni wo ermé wori wôô wôô men, li ani naŋ bôô pôn né a men.

Kwôlo gengiŋ sa ari uŋé

⁹ Bi ôbi ayê bôô wo na ôbi nimré hen hari kôba, bi li yi derê wôsa Emen biri anğajı cibré derômaraj a. ¹⁰ Men, bi ôbi ayê bôô woıı ôbi uné hen kôba, bi li yi derê wôsa Emen herajı najı đı tôıı. Wôsa ôbi uné na, a najê môtı bée gurô wo hay lew hen iyôtı. ¹¹ Wôsa tare si berare kajı kajı ajı hay bée gurô, ôbi herıı men, manayrı kôba, mênıı a men. Ôbi uné kôba, a najê perê ari unéri bay ka hen men, a ma tô geré gere wogıı uné bi wo hen a men.

Kwôlo gengıı sa gusıı najı anğajı sélé

¹² Kwôni wo đı bôri iyêre sa gusıı to ôbi gelıı a hen na, yiri a sa dôri wôsa kirııa ôbi gel beré bôô wori iyêre hen iyôtı nıı na, Emen a sa têbri sa kôbri. Sa kôbi bi wo hen na, na gelê wo najı kwini wo ôbi na genge đıré bıı ka geyrı hen. ¹³ Hena ani ré lam kwôni ba, bi ôbi kôl iyôtı ba: «Na Emen a sélen hen» ré, wôsa kwôni a nê mê lamê Emen bi ré li anğa habıı né men, Emen bi kôba, a lamê kwôni ré a men. ¹⁴ Nııba, hena nana lamıı ba, na doı anğa habıı ka yi bôrna hen a wuréna ôrıı a nana herıı bô boyre a hen. ¹⁵ Wôsa doı anğa habıı bay ka yi bô gawra hen yê têrıı menba, kirııa têrıı hende to hen lıı đé đé nıı na, yê temare men. ¹⁶ Yê nê nê kajê, sa kwôlo hen a na, bi kwôni lamêıge sara ré.

¹⁷ Na anğa dôri kêm ka hena ligi Emen a, are bay ka hen na, hena na ligi İbarna Emen woıı ôbi đé tare men, geserê men, têbêıne a men hen. Wôsa Emen na peranğe kirıı na hen iyôtı kwôı đıba, ôbi a bılıı môtı tare iyôtı ajı đéıge bô dilemne a ré. ¹⁸ Na sa kibi kwôlê bi wo na tu kwôlê hen a ôbi ré gôlıı najı na najı bô geyé wori ajı bi nana yi bay tumô ari đéri kêm hen.

Toyé kwôlê men, lê ariri men

¹⁹ Yê nê nê kajê, ermêıge sa kwôlo na kelê hen: bi i i kôba, dôbe maari lew toyıı kwôlo megarı kôl hen men,

bi kôbe kwôlê dema ré kôl men, bi bôri tari lew lew ré a men. ²⁰ Wôsa hena bô kwôni ré tari na, ôbi a lê na anɔaɔn derôre ré tu Emen. ²¹ Men, ken ɔi tô lê anɔa a lê aɔn ka *kagemijn naɔn habrê wo yi bônɔge a hen aɔn, aɔn ken dôbe marɔge toyijn kwôli wo yi môɔn kay cé iyônɔ bônɔge a hen, wôsa na ôbi a gôliɔn naɔn ken.

²² Berêɔge dô réba ma ka kelê yaɔn ba, ré na toyéri mera, niɔnba, na lê ariri a men dem. Aɔn hena kené li hen iyônɔ ré na, ken ge na kay tô geré wo Emen a. ²³ Hena kwôni ré toy kwôlo Emen bi wo hen mera aɔn li ariri ré na, yi mega kwôni wo gel tini bô anɔaɔn gelé tunu a iyônɔ. ²⁴ Kirijna ôbi gel tini hende to hen iyônɔ aɔn kurijn ô ta niɔn na, ôbi hôn na ba, ɔiré geliɔn na iyeɔn ba, ba ôbi hôn né niɔn. ²⁵ Niɔnba, hena kwôni ré cubu tiri tô tô to Emen to dô cerêd toɔn hendi derêri bô lemnare to têriɔn hen aɔn lêɔnê tô a aɔn li ariri ɔiba, toy na toyé mera ré na, Emen a terê kibri sa jé lêêri a.

²⁶ Hena kwôni ré kôl ɔiré na kwo Emen aɔna ré gem kibri ré aɔn kôl kwôlo habijn kwôy kwôy na, na ôbi benare men, lê kwôlo Emen wori bi wo hen kôba, na ani ré a men. ²⁷ Anɔa Ibarina Emen bô mega ka dôri men, lê kwôli woɔn tiri a men a nà: lê naɔn kam tiɔnaɔnê naɔn yébé ka kwôɔnɔrji ma bô nimiré toji a men, jerê yi sa lê anɔa habijn ka biɔné li sa terare a nà a men.

2

Derêɔge tu kwôni ré wôsa tumô Emen a na, biɔné kêm némijn

¹ Yênen, kenbay ka ken bi bônɔge sa Kelma wona Jésus Krist wo bay ay kibri hen na, derêɔge tu kirijn né. ² Kirijn ka pôni a ba, gawrê wôô a era kini daɔnare tonɔge a menba, kwo pôni na ôbi uɔné tôbe bargay ka dôri men, dôbe gamaɔn kaji lôr kôbri a a men, menba, kwo ɔanɔi na ôbi nimiré

tôba gerɲga bargay eraɲ men. ³ Menba, kwo pôni ba, ken liɲ kwo tôbe bargay ka dôri hen dosé naɲ bê kwôlê aɲ ken kôli iyôɲ ba: «Era, ju sa mô sa kalaɲ a nà», menba, ken kôliɲ kwoɲ ôbi nimré hen iyôɲ ba: «Jôbi ba, ju ðebe jan», réba «Ju mô kwan a terare a nà.» ⁴ A hena kené li hen iyôɲ ba, ken dô na tu kirijɲ men, ken jô na kwôlê a men naɲ ermé wo habijɲ hen ré ba?

⁵ Yênen kaɲê, toyéɲge kwôlo na kelê hen: Emen cobe na bay nimré ka sa terare a nà bi ré yi bay ɲɲé sa aɲga gengijɲ sa bê bôô sa Emen aɲ ré sa ô môrijɲ naɲ ði bô emé iyére to ôbi na genge ðiré bijɲ ka geyri hen. ⁶ Nijɲba, kenbay ken tiiré bay nimré. Aɲ na bay ɲɲé a na bay gelijɲ turɲge gusijɲ men, bay a na bay ôrijɲ naɲ ken tumô bay jeré kwôlê a hen a men ði ré ba? ⁷ Men, na bay a na bay mênê hini Jésu wo dôri wo ôm sarɲge a hen a men ré ba?

⁸ Hena kené bi kwôlê sa tôô to hena ligi Emen a to bay li bô magtubu tori a to kôl iyôɲ ba: «Gey megam mega wo ju geyijɲ yem hen iyôɲ» na, ken li dô. ⁹ Nijɲba, hena kené dô tu kirijɲ na, ken li na têrijɲ hen men, kwôlê fu sarɲge men, wôsa ken ðage sa tôô hende to hen. ¹⁰ Hena kwôni ré bi kwôlê sa tôô to hena ligi Emen a hen kêɲ aɲa ré ðage sa to pôni pôn nêɲ mera na, ôbi mênê na tô to baa hen kêɲ. ¹¹ Wôsa Emen kôl kwôni ré yijɲ naɲ tam megari ré men, na ôbi bi a hô kelê kwôni ré duu megari ré hen a men. A hena jeré yijɲ naɲ kwôni wo na kurôm ré réba tamnem ré aɲa jeré duu megam na, ju mênê na tôô to Emen hende to hen. ¹² Henêɲge wo kwôlo kêɲ wo kené kôl hen men, are kêɲ ka kené li hen a men na, Emen né sa jeré kwôlê sarɲge a naɲ tôô to béɲge ken mô sarɲge seɲge hen. ¹³ Hena kwôni ré na ôbi berê tu ɲa to megêri ré na, kirijɲa Emen a sa jeré kwôlê sari a hen ba, ôbi a sa berê tu ɲa tori ré men, nijɲba, kwoɲ ôbi berê tu ɲa to megêri na, ôbi a harijɲ jeré kwôlê ré kwôy.

Ayê bôô wo lê ariri naŋ sara ba, yi mega ré na đéŋ iyôŋ

¹⁴ Yênen, hena kwôni ré kôl điré bi bôri sa Emen a aŋa ré li ariri ré ba ayê bôô wori bi wo hen na đéŋ iyôŋ. Ayê bôô bi wo iyôŋgi hen na, a gôliŋ naŋ đí ba? ¹⁵ Dô ré ba, yênem réba yêrem ré ôriŋ doy bargay ley, doy aŋgaŋ emê ka naŋ wulê wulê ley, ¹⁶ aŋa kwôni perêŋge a hen ré kôli iyôŋ ba: «Ô naŋ bô jalê aŋ bi Emen bêŋge bargay naŋ aŋgaŋ emê ka naŋ wulê wulê» aŋ hena jeré biri are bay ka naŋni hen né ba, a lê naŋ đí na iyeŋ ba? ¹⁷ Ayê bôô kôba, na hen iyôŋ hende to hen men. Wôsa hena kwôni ré bi bôri sa Emen a aŋa ré li ariri ré ba, ayê bôô wori bi wo hen yi mega ré ma iyôŋ.

¹⁸ Dô ré ba kwôni a kelê iyôŋ ba: «Jôbi ba, ju bi na bôm sa Emen a mera, a nôbi ba, en li ariri men.» Menba, na kôli iyôŋ ba: «Ju gelen ayê bôô wom wo ju li ariri ré hen men, nôbi kôba, na gelem ayê bôô wuŋê wo en li ariri hen men.» ¹⁹ Hena jeré hôn wo Emen ré na pôn nêŋ hari ba, dô. Wôsa tunu to habiŋ kôba, hôn na hen iyôŋ a men, aŋa ré hariŋni kêmen hen. ²⁰ Kubra, ju gey wo ené gelem mega wo ayê bôô wo ariri ré liŋ né ba, ré na đéŋ iyôŋ né ba? ²¹ Erména sa môyrena *Abraham a, na jé lêri wo dôri aŋa ôbi na ré yiŋ gawra woŋ derôre tu Emen a wô ayê wo ôbi na ay kemari Isak điré liŋ sarga biŋ Emen hen. ²² Ju hôn, bê bôô wori sa Emen men, lê ariri a men na, na aŋga pôn. Na sa kibi jé lêri aŋa ayê bôô wori ré dôriŋ dô jêd hen. ²³ Ôbi a, aŋga ré liŋ hen ré biŋ naŋ kwôlê wo na liŋ bô magtubu a kôl iyôŋ ba: «Abraham ay bôri biŋ Emen aŋa Emen né bôôri mega kwôni woŋ derôre sa kibi ayê bôô wori.» Men Emen uwôgeri melaiŋni a men hen. ²⁴ Ôbi a kené henê wo lê jé sa ayê bôô a a Emen né bôriŋ gawra

mega ôbi lê anğa derôre đfiba, na sa kibi ayê bôô pini mera ré.

²⁵ Mega wo Rahab hende wônijnare tojn têrijn hen kôba, na sa kibi jé lêre wo dôri aña hende ré yijn iyore tojn derôre tu Emen hen wôsa hende bu bay jé ka *Israyêl yere a aň uwôbeji kwôy wo hende biji sijn gerijn hen. ²⁶ Mega wo bul naň bô kurôngi yi a ba, ôbi ma hen na, ayê bôô wo ariri lijn né kôba, ma na hen iyôň men.

3

Nabay gawrê na geménaŋge kebrena

¹ Yênen, bi doy yé bay gelijnare bijné are bi li bijné kwône perêrŋge a hen né. Wôsa ken hôn, kwôlê wo bay a jerê sa bijné bay ka hen a na, a iyêrê damaň gôlijn tô bijné ka ba hen. ² Wôsa nabay kêmen na, nana li habijn naň geré wo gay gay. Hena kwôni wo ré iyêl kwôlê aña kwo habijn ré naň bô a ba, ôbi na gawra wo dô dô jêd men, nêmen jirê yiri sa habré bijn a men. ³ Mega wo nana dôbijn henda arjim kibri a bi ré bêna kwôlê hen na, nana pôy na yiri kêmen a men. ⁴ Erméŋge sa bato to damné hen. Bay damné haji niňba, kema anğa pôni dê iyôň yi bô a ya wô kwôňnêji ôrijn. A hena kal ré ge naň néeri gelijn iyeň kôba, bato ô na si kirijn ka ôbi ayê gôone gey erê si ya hen đf. ⁵ Ôbi a, kôli gawra kôba, na anğa dê iyôň bô kayri a, menba, iyêl kwôlê wo đê sari.

Men, ken erem sa tare to đê iyôň to kurijn kirijn a menba, erŋge dô bô gwôlê dêd dêd hen iyôň. ⁶ Kôli gawra kôba, yi na mega tare hende to hen iyôň men. Ôbi a na damňê habré wo yi yi gawra men, mêênî a men. Men, ôbi yi dê iyôň perê kam yerna wo kwôni a aň na ôbi bi wo hen a lê yi gawra *kagem hen men, ôbi yi mega tare to hena yi Sidan a aň mêne kewi yi gawra iyôň. ⁷ Wôsa gawra na, gôlijn sa are kêmen men, ôbi gôlijn sa tanare to noni gay gay

men, sa ciré ka gay gay hen men, sa kam tanare naɲ si kalaw ka gay gay hen men, gôlijɲ sa kuyê naɲ tanare toɲ bô kam a hen a men. ⁸ Nijɲba, kôlem na, gawra nê m gôlijɲ sari ré, wôsa ôbi na aɲga habijɲ ka kwôni nê m gôlijɲ sarji ré ka wurarji a derem hen. ⁹ Na kôlena bi wo hen, a nana heramijɲ Kelma wona wo na Ibarna hen men, na ôbi bi wo pôn hen a nana tômijɲ gawrê ka Emen dji giliɲ né dji hen a men. ¹⁰ Wôsa na kibi bi wo pôn hen, a heramê Emen men, na ôbi wo pôn hen a kôlijɲ biɲé kwôlo habijɲ a men hen. Nijɲba, yê nê n, bi kwôni li hen iyôɲ ré. ¹¹ Sa pôn tu kam pôn ge ka lêri men, ka habijɲ men ba? ¹² Yê nê n, sa pôn tôgôre yêrê môlôɲne men, tijɲaɗor yêrê tôgôre men ba? Mega wo tu kam kaɲ dôre a geré kam ka lêri ré men hen iyôɲ.

Tu melênê wo hena ligi Emen a men, kwo hena ligi gawrê men

¹³ Perêrɲge a hen ba, i a na ôbi tu melênê men, ôbi henê are men ba? Hena kwôni bi wo iyôɲgi hen ré ya ba, bi li aɲga dôri men, bi kalêri jal a men, dema ré gelé wo ôbi ré na ôbi tu melênê tô. ¹⁴ Hena kené li terbêre naɲ migêrɲge men, ken woge derê wo gengijɲ sarɲge kenbay mera a men ba, ken di na denɲgôrɲge dɛɲ iyôɲ men, ken kôl na kwôlê woɲ benare a men. ¹⁵ Tu melênê bi wo iyôɲgi hen na, na kwo hena na derômarɲ a ré, nijɲba, na kwo sa terare a nà men, na kwo gawrê men, kwo Sidan a bé hen a men. ¹⁶ Wôsa kirijɲ ka yôɲ yôɲ ka biɲé li terbêre ya men, woge na derê woji mera a men na, na kirijɲ ka kirijɲ gusirijɲ ya men, habrê a wiinê kirijɲ bay ka hen a men. ¹⁷ Nijɲba, tu melênê wo hena ligi Emen a na, yi gay. Kwôni wo na ôbi tu melênê wo iyôɲgi bi wo hen nà: tumô ba, ôbi sêl men, bôri jal men, kalêri jal men, li sa iyêrê ré men, bôri dô men, li aɲga dôri ka gay gay men, dô tu kwôni ré men, iyêl kwôlê kibri wô wô ré a men. ¹⁸ Biɲé kaɲ bay bô jalê ka bijɲ

migêrji bô jalê na, yi mega wo ré ci kay anɔa dôri bô bô jalê woji ôbi wo hen, aɲ sarji ba, na lê anɔaɲ derôre tu Emen a.

4

Déŋge tô anɔa sa terare a nà aɲ, aɲ ken ô tô Emen

¹ Gederɲare to ken gedererɲ men, naɲare to ken nayrɲ a men hen ba, tôrji hena na yôɲ ba? Na doɲ anɔa habɲ ka yi bôɲɲge a hen a lê aɲa kené gererɲ men, ken nayrɲ a men hen né ba? ² Ken li tu bôriyare sa are a, niɲba, ken uwôɲ né, na ôbi á, kené kena derɲ megêɲɲge hen. Men, ken li terbére sa are a, niɲba, ken nêɲ uɲé ré, na ôbi á, kené nayrɲ men, kené gerirɲ yerɲge a men hen. Anɔa ken ôriɲ doɲriji hen nà, ken uwôɲ né wôsa ken uwôliɲ Emen né. ³ A hena kené uwôliɲ Emen are kôba, ken uwôɲ né wôsa ken uwôli naɲ ermé wo habɲ hen wôsa ken uwôli na wô tu bôriyare to lêɲge hen mera. ⁴ Kenbay ka ken ðebe sa têɲɲge a ré hen, ken hôɲ mega wo hena kwôni ré gey anɔa sa terare a nà ba, ré na ôbi bayi Emen iyôɲ né ba? Men, kwôni wo gey erê tô anɔa sa terare a nà na, a yé ôbi bayi Emen. ⁵ Ken erem mega wo kwôlo liɲ bô magtubu to Emen a kôli iyôɲ ba: «Emen li terbére sa Tunu to ôbi béna hen.» Hen ba, ken bô mega wo ré na kwôlo beray ba? ⁶ Menba, ôbi hô li derê damaɲ naɲ na a men. Wôsa liɲ bô magtubu a kôli iyôɲ ba: «Emen kaɲ bay uwôyrê yi, niɲba, ôbi tô kibri sa bay dôbê sa hen ði.» ⁷ Iyôɲ ba, ken dôbe sarɲge biɲ Emen kwôlê. Ðebiɲge Sidan iyêre menba, ôbi a geréɲge. ⁸ Eranɲge ða ligi Emen a menba, ôbi kôba, a dôre ða legerɲge a men. Kenbay bay têriɲ hô hebéɲge yi têriɲ ré niɲ. Men, kenbay kaɲ bay kelê kwôlê kebrenɲge wô wô hen kôba, ken ði ermé wonɲge yi kirɲ pôn yôd a men. ⁹ Bi turɲge li ɲa wô kibi

têriŋ lêreŋge men, sômêŋge men, ßarêŋge men, bi ayê woŋge beliŋ sômê men, bi yi derê woŋge biliŋ tu ɲa a men. ¹⁰ Dôbêŋge sarŋge biŋ Emen a aɲ ôbi a bé ka yé ka damné tiri a.

Lijŋge ɲôm perêŋge a ré

¹¹ Yênen, sêŋge tôŋge ken kôliŋ kwôlo habiŋ né. Hena kwôni ré jô kwôlê sa yêeni a réba liri ɲôm men na, ôbi kôl na kwôlo habiŋ gengiŋ sa tôô men, jô na kwôlê sara hen a men. A hena kwôni ré jô kwôlê sa tôô na, ôbi bure kwôlê ré. ¹² Iyôŋ ba, na Emen pôn nêŋ a na ôbi béére tôô men, ôbi a na ôbi jerê kwôlê a men. Men, ôbi pôn nêŋ a na ôbi gôliŋ naɲ kiriŋ men, ôbi mênê kiriŋ a men. Jôbi ba, ju na i aɲa jeré jô kwôlê sa megêm hen ba?

Yéŋge bay uwôyrê yi ré

¹³ Dôbêŋge marŋge dô ken toyiŋ kwôlo na kelê hen. Kenbay ka ken kôl iyôŋ ba: «Kemnêŋ réba kiya niɲa erê sa iyére to hen a, niɲa erê merê ya lê elê pôn wô lê jeŋga wogiŋ gursu.» ¹⁴ Ken hôn aŋga kiya a sa hen né aɲ ken yi môŋ kiriŋ ka geri ka ge aɲ sem iyôŋ menba, naɲ mera hen iyôŋ. ¹⁵ Dôd wori ba, ré kené kelê iyôŋ ba: «Hena Emen né gey bi niné mô baa sa terare a nà baa ya tô na, niɲa lê aŋga na, aŋga hen.» ¹⁶ Wo kené kôl hen iyôŋ ba, ken kaɲ, aɲ ken uwôyrê yerŋge men, ken di denŋôŋge a men hen iyôŋ na, na aŋga dô ré. ¹⁷ Iyôŋ ba, hena kwôni ré hôn aŋga dôri ka ôbi ré lê aɲa ré li ré na, ôbi li têriŋ.

5

Kwôlo gengiŋ sa bay ɲné

¹ Kenbay bay ɲné, dôbêŋge marŋge dô ken toyiŋ kwôlo na kelê hen. Karêŋge kula men, sômêŋge a men wô bô emê wo gay gay wo a sa sarŋge a hen. ² Wôsa ari ɲné kaŋge uyê men, téére ôm bargay kaŋge kebré men, ³ lôr

naɲ gursu tonɟe ɓu kaar aɲ na kaar bi wo hen a ulênge kwôlê sarnɟe a men, a mênê yerɲge mega wo tare a ré uwoyé iyôɲ men. Wulê wo haw hen na, sa terare baa ɗa wo a kerê niɲ menba, ken dayrê ari uɲé a a ka liɲ iyeɲ ba? ⁴ Biɲé ka walênge kaw kanɟe hen kôba, ken têbeji sa kôbriji ré aɲ bay ɓar damaɲ men, sômê woji ôm kwôy kuriɲ ma Kelma Emen woɲ ôbi néé hen, aɲ ôbi toy tôrji. ⁵ Sa terare a nà ba ken mô bô derê men, ken li aɲga bôrɲge gey men, ken ôm dô uwoderiɲ mega lari ka bay abe wô deré iyôɲ men. ⁶ Kwôni woɲ ôbi lê are derôre hen kôba, na ken ɓiri naɲ kwôlê aɲ ken diiri, niɲba, ôbi ɗebéɲge iyêre ré.

Ulênge bôrɲge sa gusiɲ to ken geliɲ a hen

⁷ Yênen, hen iyôɲ hari kôba, ken uwôl bôrɲge kwôy jéɲ kiriɲ ka Kelma wona Jésu Krist a heraj. Erméɲge sa ôbi yagê a ken gel ôbi uwôl bôri gemiɲ aɲga dôri ka terare ré biri ayiɲ tôri masemne a kwôy kibi kelané a. ⁸ Kenbay kôba, ken uwôl bôrɲge hen iyôɲ men. Beréɲge bôrɲge iyêre wôsa Wulê wo Kelma wona a heraj hen baa ɗa niɲ.

⁹ Yênen, bi ɓarê kwôlê yi perêɲge a ré, aɲ bi Emen kôba, ré jô kwôlê sarnɟe a ré men. Wôsa kwo a jerê kwôlê sarna hen ɗebu kibi geré niɲ. ¹⁰ Yênen, erméɲge sa bay kibi Emen ka na kôl kwôlê naɲ hini Emen hen. Bay na geliɲ gusiɲ damaɲ, niɲba, bay na uwôl bôrji men. Kenbay kôba, ken uwôl bôrɲge mega bay hen iyôɲ men. ¹¹ Aɲ nana kôl iyôɲ ba: «Yi derê yi wô sa ɓiɲé bay ka ɓu bôrji iyêre sa gusiɲ to bay geliɲ a hen.» Men ken toy kwôli ulê bô wo Jôb men, kwôli aɲga Emen li naɲ ɗi cêgê a men. Wôsa Kelma bô tu ɲa to ɓiɲé men, ôbi tô kibri sarji a a men.

¹² Yênen, kwôlo na kelê hen na, na kwôlo dami. Deséɲge yerɲge naɲ derômaraɲ ré men, naɲ sa terare ré men, naɲ ani kani ka ɗaɲgi ré a men. Hena ré na tiri ba,

na tiri men, hena ré na tiri ré ba, na tiri ré men. Kelênge hen iyôn wô wo Emen maa jerê kwôlê sarngé a.

¹³ Hena kwôni perêrênge a hen ré mô bô gusiŋ a ba, bi uwôl Emen. Hena kwôni perêrênge a ré mô bô yi derê ba, bi kebe kurôŋ heramiŋ Emen. ¹⁴ Hena kwôni perêrênge a ré ômiŋ ba, bi jé uwôga surŋê ka églis bi bay sa uwôl Emen wô sari men, bi bay ŋu sari naŋ weŋ a men naŋ hini Kelma Jésus. ¹⁵ Hena bay ré uwôl Emen aŋ bi bôrji sari a na, ôbi a berarêri men, a ðeré kôbri ta a men. Hena ôbi na ré li têriŋ tôni kôba, Emen a ðé bôri jalê sari a a men. ¹⁶ Iyôn ba, na i i kôba, dô tô têriŋ tori biŋ megari men, bi i i kôba, uwôl Emen wô sa megari a men. Aŋ bi Emen berarêrênge. Wôsa kwôni wo na kwoŋ derôre tu Emen a na, uwôlê Emen wori nééri daman. ¹⁷ Ermênge sa *Eli a, ôbi na na gawra mega nabay nà iyôn sa terare a nà. Ôbi uwôl Emen naŋ bôri pôn bi emen ré uwônge ré, menba, ayiŋ tôri wulê bi wo hen kwôy elê subu naŋ kwari na, emen uwônge ré a men. ¹⁸ Menba, cêgê ôbi hô uwôl Emen hôriŋ menba, emen ay tô uwôngê aŋ kalmê hô si hôriŋ sa terare a.

¹⁹ Yênen, hena kwôni perêrênge a hen ré ge kay tô geré woŋ tiri wo Emen a, aŋa megari ré heran naŋ ði na, ²⁰ ken hôn mega wo megari bi wo hen ré derari na kibi temare a iyôn. Hena têriŋ tori hende to hen na ré daman mega mi kôba, Emen a ðé bôri jalê sari a.

Magtubu tôô toŋ bɨnare to kôrbi

Kimré: Magtubu tôô toŋ bɨnare to kôrbi New Testament
copyright © 2007 Wycliffe Bible Translators, Inc.

Language: Kimré

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 28 May 2022

9dff176-4e78-52cc-9acd-204efe85cf84